

*Di Cataro, di sier Francesco Gradenigo re-
tor e provedador, di, vidi letere.* Come turchi
erano levati di Tenina, et che è nova de li el Signor
turcho aver fato una imposition di aspri 23 per
fuogo, et che 'l mandava assa' vituarie verso la Bo-
sina; ch' è signal vol mandar exercito terestre; e al-
tri avisi.

Vene l' orator di Hongaria in Colegio, dicendo
aver letere di Buda. Come di brieve seguirà lo acor-
do e trieve col Turcho.

*Di Porto Gruer, di sier Marco Zen pode-
stà, di eri.* Come ha i nimici aver dato una bataja a
Oxoph, e volendo montar sopra il monte, quelli den-
tro si hanno difeso virilmente, e con saxi che hanno
butà zoso, à occiso molti e altri malmenati, tra li qual
el conte Christoforo, che à 'uto una saxata in la galta,
adeo era stà portà fuora dil campo a medicar; sichè
el campo è retrato alquanto.

Da poi disnar, fo Pregadi et tolto il seurtinio di
4 savii a tansar di qua di Canal et di tre Provedadori
sora le pompe, perchè erano più di 40 che a l' and-
dar suso Pregadi procurava a le scale, et fonno tolli
zereha 50. Fo aduncha, poi leto le letere, balotadi
solum quelli savii a tansar. Rimaseno sier Michiel
Navajer, fo consier, qu. sier Luca, sier Piero Pasqua-
ligo dotor, cavalier, è di Pregadi, sier Francesco Val-
lier, è di Pregadi, qu. sier Hironimo, sier Andrea Fo-
scolo, è di Pregadi, qu. sier Hironimo. Cazete sier
Bernardo Bembo dotor, cavalier, fo consier, sier Polo
Capelo el cavalier, fo savio dil Consejo, sier Nicolò
Dolfin, fo avogador di comun, sier Francesco Bra-
gadin, è di Pregadi, qu. sier Giacomo, e altri, et il
seurtinio sarà posto qui avanti.

33 Fu posto, per li savii di Colegio, exceto sier An-
tonio Grimani procurator, mandar in Friul al go-
verno di quelle zente, poi che 'l conte Malatesta di
Sojano si vol partir, il magnifico domino Zuan Paulo
Manfron condutier nostro. A l' incontro, sier Lucha
Trun consier et sier Antonio Grimani procurator,
savio dil Consejo, messe che 'l sia scripto a Padoa al
capitanio zeneral che 'l si debbi levar di Padoa con
quel mancho numero li par di zente, lasando bona
custodia, et andar in Friul. Parloe primo, sier Anto-
nio Grimani; li rispose sier Alvise da Molin savio dil
Consejo. Poi parlò sier Andrea Trivixan el cavalier, fo
consier, qual va capitanio a Padoa, laudò l' opinion
dil Grimani; li rispose sier Marco Zorzi dotor, fo Cao
di X, poi parlò sier Cabriel Moro el cavalier, è di
Pregadi, qual lauda l' opinion predita. Parlò contra
sier Zorzi Emo, fo savio dil Consejo, che non vol.
Poi sier Luca Trun el consier et sier Antonio Con-

dolmer savio a terra ferma messe una sua opinion,
videlicet che si scrivesse una letera al capitanio ze-
neral, che se li par dovesse andar o mandar a dita
impresa, et che fusse mandà do soleni zentilhomeni
nostri con lui provedadori, quali andasseno a la dita
impresa, con altre clausole, *ut in ea*. Andò le par-
te: 8 non sincere, 2 di quella dil Condolmer, 71 di
savii, 108 dil Trun e Grimani, e questa fu presa.

In questo zorno, la matina, acadete uno caxo, che
sier Francesco Valaresso qu. sier Ferigo, qual eri fo
fuora di caxa, volendosi vestir cazete apopletico, o
quel si fusse, e subito morite. Havia anni 58.

Etiam in chiesia di Frari seguite certo remor,
che ritrovandomi a compieta in la chiesia, erano corsi
driedo alcuni tre zentilhomeni, sier Antonio Barba-
rigo di sier Alvise, sier Nicolò Foscarini qu. sier An-
zolo et sier Andrea da Canal qu. sier Bernardo, e
con spade e targe li corseno drio per chiesia. Li frati
e altri zentilhomeni in gran rumor corseno li et tol-
seno le arme ad alcuni, e fo sedà il tumulto con
grande mormoration di tutti, dicendo questi è mali
principii in questi tempi.

È da saper, ozi intesi come nel Consejo di X con
la zonta è stà tratà do materie questi zorni, l'una si
la Signoria vol el ducha di Ferrara si scoprirà contra
spagnoli, e lui di là et nostri di qua li potranno tuor
di mezo et sarano maltrattati; et l' altra, che domino
Hannibal Bentivoy, fo fiol dil magnifico Joanne de
Bologna dominava, qual hora è scaziato et sta desi-
deroso di tornar in caxa, vedendo quello ha fato il
Papa, voria esser capitanio di le fantarie, et si ofe-
risse dar fanti 4000.

*Di Alexandria, fo leto letere ozi, di 9 Fe-
vver.* Prima, zereha quelle provision di cotimo li
merchadanti non voleano pagar, pur rimaseno dar
fuora e remetersi a quello vorà la Signoria. *Item*,
come di le cosse de India, portogalesi erano levati
di con fama di tornar uno altro anno.
Item, il Soldan medemo vol andar in persona a . . .
. a veder l' arnada. *Item*, el nadrazes
li à dimandà uno feral di fanò per la dita armata.

A di 25, fo il zorno di Nostra Dona. El 33*
Principe fo in chiesia a messa con li oratori Franza,
Hongaria et Ferrara; *etiam* vi era, con alcuni zenti-
lhomeni acompagnato, domino Mercurio Bua. Et se
intese in questa note esser morto Alvise Zamberti
scrivan a l' avogaria con una optima fama, el qual
è stato amalato zorni *Etiam* fo letere
di Franza, di l' orator nostro, in zifra, di 8, qual non
fo lete.

Da poi disnar, predicò a San Marco el predi-